

老序

家之有谱犹国之有史也史则编年纪月以誌一代之治谱则讚先续后以传一姓之本所以分昭穆亲疏定班次誌埋葬记居住报本追远睦族息竞无逾于斯谱之所以关大矣哉若余山门一支自仁泰公于有明宏治前知贵州什千谱戎府坐阶正堂解组归田大宗谱系彬彬昭垂 我朝康熙己未遭兵火残毁谱系慨烬无遗数十年而班次淆亲疏混所谓木本水源者安在哉不但此也如 明辰公之中解元 子文公之知盐江县子仁公之为京师总兵元翁公之任杭州推官有誌可考无谱以记仁人孝子不能无遗憾也父老每诏余曰谱系诚重虽遭兵火犹记其慨我杨用初公自黔阳苏家冲迁武岗寓山门公故二子宗旻宗亮伴居继父 吴元受公受其遗产顶其里籍此 吴杨氏之所由始也余问仕泰公何公之子父老曰宗旻公之子 用初公之孙也又问 用初公父老曰 端玉公曾孙元翁公之玄孙 明则公之十三代裔也又问 明公父老曰与其弟 答则子 文宗 武宗 孙首选 首达来自关西首选公住铜仁时久失传我 首达公屡迁而返榔岗七子誓烛而寓托口洪江岩里新路木州泸溪常德远近不一其寓也达生正堂 正堂公生四子 稳广进祯 世传分火岗分家铜安陇溪白岩淇滩如故也 稳生聪 聪生泛 泛生荣 荣生辰 辰生昭 昭生六子 文宦仁龙荣赵是也宦生元翁 翁生七子 南玉端玉怀玉英玉祥玉荣玉辰玉是其名陇溪果树田心芦里苏家冲张思坪以及武岗非其居乎 端生四子 用恒居湾溪 用忠居苏家冲 用先乏嗣 用初居山门此皆历史可考诏余急宜补修以纪本源无使文献俱湮致慨于祀宋之无徵也余谢不敏且以旧谱无存恐蹈史迁之远引华胄贻讥

后世故不果云岁甲午六月因元翁公坟失山田彼地相关爰议步圣尔圣汝昌崑璞世道往黔阳会集七房六房云集惟辰玉房住远莫及幸仗祖功宗德不劳而公业俱复设立合券致祭而归抄录墨谱与父老诏余者无异也若再无谱以纪之倘年时愈远子孙愈多居住愈广班次紊而埋葬忘昭穆乱而庭谊乖言念及此不能一夕云诸怀也于是少和咸集公议续修记埋葬以便祭扫誌居住以通往来定班次辨尊卑分亲疏以敦义序昭穆以正名分续抚养以继裡祀不特此也今之弃梓里而从川者固多若无谱纪代及莫知偶尔相遇不以为同姓之亲亦以为路人视之而已有是谱也不惟今日或邂逅于逆旅得促膝而谈心即他年子孙或宦遇于异地犹得曰某公之子某公之孙以笃一宗之好于东西面朔之区况同乡共井有不出入相友守望相助疾病相扶持者乎此谱之所关与国史并重信不诬也若我山门一支非大宗可比故颜其谱曰吴杨小宗然斯谱也惟纪水木之本源代及之次第以无失吾尊祖敬宗之礼焉耳若法仕泰公合陇溪果树田心庐里苏家冲张思坪以及托口与铜安等处大宗而大修之以俟闻望尊隆才德出众者继之如列国之各有史合之而一代之史备焉又尝历稽古牒能绵其瓜瓞华其世胄者大抵皆从忠厚以立其基勤俭以培其业积德积学丕显丕承用能保世以滋大尤愿后人毋为奸淫毋为偷盗赌博毋堕清白家声更祈后人当为孝子当为悌弟当为忠臣义士当效华阴世胄余叨宫庠才学疏浅且不善文略纪本末貽后人至若化陈而新易俚而雅充吾闾光吾宗是所望于后人也后之人其勗诸

时

皇清康熙五十四年岁次乙未春正月
嗣孙州庠生且开朝制叙于菩提佛舍

老序

按周礼小史掌邦国之志定系世辨昭穆后世因之此谱牒所由起也诚以一姓之众而无谱以纪之将生齿繁多居处迁离尊者莫辩其为尊卑者莫识其为卑即偶尔萃会之间犯尊犯齿之失岂能免哉杨氏本唐虞之后也庆衍关西派分支出厥后隋唐及宋元其间扬名显族代有达人姑不具论即如杨湾水口山门俱由黔邑而迁武岗实同宗之所分向者昧于本源惟我山门杨湾合族同班与水口尚有隔异之憾皆前人未考通谱故耳其今 世际昌隆百废俱举修谱牒以收宗睦族固亦理之宜然丁丑秋诸父老因议三柱阖修俾知支分三条派共一源均付剞劂以示后人远而昭来许意良深矣是我山门以祠务未遑不及同登故惟杨湾水口先合稿授梓焉事竣而接阅之则见其考核详赡纪载分明与夫世系之流传坟山之图绘亦既彬彬就理矣更且定章程而规矩整制班次而尊卑分所谓继继承承者又了如指掌焉顾余因是谱而推论之若我杨氏以世胄而兼演天潢谩谓往昔之显耀堪夸耶由黔邑而迁籍武岗明清继以来在水口者如洪公以孝廉官太守 茂育公以副车任学博在杨湾者如 芳宗公以悍寇作指挥即我山门之 仕泰公亦由廩而擢戎府则是衣冠济济登仕版者代有其人矣安知今日之培养不为异日之发祥乎吾愿父老从此寿考作人常使英才辈出庶几增谱牒之光也哉

时

皇清乾隆二十三年戊寅孟秋月 穀旦
岁贡生会春邦兰谨叙

旧序

记云吕仁率亲等而上之于祖吕义率祖顺而下之至于祢所以亲亲也亲亲故尊祖尊祖故敬宗故收族故宗庙严人道之重莫先于此然而有大宗焉百世不迁者也有小宗焉五世而迁者也宗有大小之分而祭祀之人众寡因之庙祧之祔久速因之卜逮士庶人谱系之传详略亦必因之矣我吴杨氏之合谱也旧谓之小宗焉盖以山门一支自 用初公以上专系杨也系乎杨则由周而来 无论关西夫子龟山先生代为望族即元明而后分派于黔阳若果树湾溪炉里陇溪苏家冲张思坪以至隶籍于武岗水口杨湾诸房皆吾木本也皆吾水源也然而族大牒繁不能以共修矣由 元受公以后兼系乎吴也系乎吴则进无论治平事业草卢道学光于史册者指不胜屈即近在本朝为渤海郡为先延陵郡亦难各稽其源流此大宗谱系既以众派之星散又以两姓之岐出而难为合也兹故从山门一支而名之曰小宗小宗一谱肇自康熙年间诸父老编于菩提佛舍分派之由先朝头官之多于吴杨合姓之故所以亲疏分居住记埋葬者非不历史可考但以兵燹之后诸事草创至今仅传墨谱而规式未备梨枣未镌此非前辈之故从简略亦本朝定鼎久时势使然耳今国家治教休明乐育涵濡近二百年矣 虽山陬海筮莫不沐文明物之化 怀孝子悌弟之心故一时谱牒之修在在皆然而我 吴杨氏既于嘉庆癸酉岁新葺祠宇以妥先灵诸父老猷谱牒未就缺憾良多因于本年秋纠合族耄亟为编次以付剞劂而谬推余总理之余思夫谱式之垂有分行直下蝉联註载都苏谱也有五世另提递相承接者欧谱仿史迁年表而来法式尤善兹故多从欧而于苏范二式亦参用之不但此也先祖之邱墓后人之居住有关系者必绘其图祠堂之址基田山之疆域属公管者記必其处庶乎后之阅是谱者不徒上治下治旁治之义明而且梓里不忘坟墓共保山田遗产无失家传斯孝友成风争竞永息矣所关者重其在是乎若夫铺张一姓之世业表扬往代之名贤滋为夸张无关谱系余不敢赘一辞也

时

皇清道光二年岁次壬午九月穀旦

吴杨耳孙岁进士穆如文清叙于公祠左轩

续修谱序

辛未冬至日合族会祭宴饮间谈及世事变迁之多予曰我族自道光壬午岁修谱之后迄今五十年余载有生而作古者有生子而生孙者有老成凋谢而无后莫识其埋葬者若不趁此际续修将来耄耋云亡无可咨询众皆以为然壬申冬至日复议促修命予董率其事自思才疏学浅赋性慵懒修辑之举独力难持固谢不敏僉曰尔承祖德以博一衿何可推诿若一人难理则择族髦佐之予不护辞癸酉六月始录草稿乃阅老谱系五世一提之式提者仅属长子众子莫备世系翻阅实难且空白甚多亦属冗费不如改用柳式为便十月开雕以来房叔盛屯从侄传述二人校辑监理委述兼理数项不舍昼夜六阅月而葺事焉此次之修较前颇为详明精细质诸父老余或可以无大过矣至若修辑源流老谱言之甚详毋庸复赘余惟纪其续修之原委以为弁言

时

皇清同治十三年甲戌孟夏月
裔孙拙吾燮堂跋书

三修宗谱序

呜呼论时势而至今日可谓大奇局大变局矣吾当浏览史册粤稽舆图见夫上下数千年纵横几万里未有若今日之奇而变者也地球之上华夏最大冠带之伦天朝最尊诚以中国者立纲常伦理之极尊卑有序上下有等长幼亲疏不相淆混适相联属也至于今俄法美德英日诸国以及外洋诸小岛视彼三纲五常为骈拇枝指附赘悬疣者多也且敢传教以蛊惑我奇技淫巧以引诱我覬觐天朝窥视边疆以乱华其罪擢发难数我皇上恢廓其量殊不与较外示怀柔内设防卫以保种为枢机以结团体为锁富国强兵其在斯乎准朝廷致治保邦之意为承先启后之计者宜以修谱为急维人心笃宗盟端在是也我族自同治癸酉岁纂修以来至今三十余年其间生歿埋葬坟墓里居多有见闻未周记载颇缺者若不急为编次又复数年恐沧桑愈变老成愈凋且年湮代远渐灭殆尽乎于光绪丁未之春合族商议复修以仿保种而结团体之意焉父老再三斟酌而谬推余与房兄道容总理谱牒道闻专管数项自四月缮稿伊始十月开雕至戊申岁四月凡周年而告成功焉若夫宗派之源委谱牒之体裁成宪美备一遵前式可也何容改创为哉余不文聊述三修厓略弁诸首云

时

皇清光绪三十四年戊申岁仲春月吉日

嗣孙州庠生隅册耀面顿首拜撰

复修老序

思夫谱牒之修非自今始其由来旧矣是故宗室演天潢之派帝胄有玉牒之名其所以崇先祖辩昭穆纪生齿誌埋葬者朝野一道上下同情也考我杨氏之宗系出叔虞殊非缙绅之家乡派衍周宗亦属王公之胄其间若汉若唐若宋济济衣冠而名姓留著青史者固不乏人迄元明以后我用初公由黔邑而迁武岗 旻亮二公伴继父而承吴祧名登天府者亦代有达人夫岂仅玉环致报三鱣应兆而已哉然前人之有光实后人之是效正恐椒聊蕃衍时久失传诸父老因纠阖族众亟修谱牒以纪之俾世世子孙定昭穆而知尊卑纪生齿以庆繁衍而且埋葬所誌则事亡如存胪列前贤而裕后堪夸些修谱之志后人所宜深念也至若寻源合流溯开先之踪迹任官授职标名贤之仕籍在作者俱已考核详明余不竞为剿说以哄堂于后但所期者效一派于前人忠孝其本启两端于后裔耕读为重五常克敦而门庭肃雍富教聿兴而圣学昌明自此显宗耀祖愈增我姓之光有必然者矣

嗣孙州增生忠相邦枢 谨序

四修吴杨氏家谱前言

余谓木有根本水有源流人则有祖先焉正本求源承先启后 纪念祖宗缅怀先贤唤起后世乃修谱之大义也 我山门吴杨氏支谱肇修于清康熙五十四年以嗣孙州庠生朝制公旦开为主修考察宋元明清等大宗谱系以及甲午岁杨氏七房合卷墨谱和诸父老之诏追本清源编成正本是为吴杨氏之首谱后于乾隆二十三年道光二年光绪三十四年曾经三修皆以康熙首谱为鑑本但自光绪三十四年修谱以来历传四至五代已经八十四年之久缘因抗日战火焚毁解放除旧运动十年文化大革命之浩劫所有家谱废弃殆尽尚存者残缺不全奈世事沧桑时过年迁历代考妣之生歿葬誌几佚传耶方今流芳是以诸父老老少会聚一堂共同磋商以和为贵解放思想摒弃过去安定团结决议续修吴杨氏支谱为报本追远缵先续后也 至于我山门吴杨氏源本为杨氏上朔至宋乃杨家将延楚一派明则公第十三代后裔元翁公胄也翁公以解元之公名勅授奉训大夫曾任杭州推官翁叔子文公任盐江知县翁伯子仁公为京都总兵我宗旻公之子仕泰公知贵州什阡戎府坐陞正堂先祖出类拔萃皆为望族希后世之子孙应效法先贤发奋图强振兴中华立功树德光宗耀祖斯修谱之目的也 我山门吴杨氏之始祖 宗旻 宗亮公也是旻亮二公乃元翁公之玄孙端玉公之孙用初公之子也翁妣吴氏生七子南玉次端玉三怀玉四兴玉五祥玉六荣玉七辰玉居住于陇溪庐里苏家冲张思坪武岗等地我系端玉公一派公有四子用恒居万溪用忠居苏家冲用先乏嗣用初因兄弟阅墙携眷丁氏及子宗旻宗亮随婿尹应贤由黔阳迁徙武岗山门公歿婆改醮吴元受公与淑浦吴氏为昆季旻

亮随母寄寓吴家称受公为继父吴公歿时因亲生远征边疆杳无音信却以旻亮项籍承祧兼姓吴焉是吴杨氏之所由始也故吴氏乃我公之恩父杨氏为我姓之根本是以复姓吴杨氏也 时值和平盛世社会蓬勃发展国家繁荣强盛从文蔚起耄耋健在后生有为之际以房祖英萼 英田英文等为指导召余协助修谱事宜故于公元一九九一年辛未夏开始人口普查登记五月吉日集中于田丞英凡家里正式起草毛稿编写新谱然伏夏炎天虽在室内气握笔抄写亦是汗雨淋漓工作人员不畏暑热不辞劳苦积极工作仅旬日久初稿竣工第一步工作顺利完成第二步则是印刷我们探问现代的电脑复印造价昂贵而我山门一支仅二千余人筹资有限坚持节俭修谱反对铺张浪费要以少钱办好大事特聘请竹市唐华堂师傅承包全盘印刷工程彼人手齐全工艺精巧于是新谱迅速成册历时五月大功落成实乃全体同心同德合作之功也 若余管窥蠡测才疏学浅作此前言要求真实无瑕清源固本斯谱也乃我姓之根本后世之宝鑑务须珍藏永存无遗耶余祈老者健康长生乐享天伦少年蓬勃蕨长群英辈出大展宏图树功立德为振兴中华创造奇绩作我族之孝子贤孙光宗耀祖为炎黄之优秀儿女耀吾中华也

公元一九九二年壬申春

黄埔军校大学生嗣孙隆有记